



Aningaasaqarnermut Naligiissitaanermullu
Naalakkersuisoq

Ulloq: 27-02-2023
J.nr.: 01.31.06/23-01022

Aningaasaqarnermut Akileraartarnermullu Ataatsimiititaliap tallimangornermi ulloq 24. februar 2023-mi aalajangiineranik Naalakkersuisunut ilisimatitsineq.

Illuut A/S-ip Qinngutsinni Unaami inissiarsuarnik sisamanik pisinissaata akuerineqarnissaa. Ataatsimiititaliap suliaa nr. 01.31.06/23-01022 **TUAVIORTOQ**

"Naalakkersuisut inassutigaat,

Naalakkersuisut Illuut A/S-imut noqqaassuteqarnissamut Unaami, Nuup Qinnguniittunik inissiarsuarnik sisamanik nalinginnaasumik, kiisalu KAIR A/S-imi sulisunut attartortitassatut pisinissamut piginnaatinneqassasut."

Aningaasaqarnermut Ataatsimiititaliap oqaaseqaatai apeqqutaalu:

Suliap tuaviortuunera ataatsimiititaliamit maluginiarneqarpoq suliallu tuaviortutut sularineqarnissaanik Naalakkersuisut tunngavilersuutaat paasineqarlutik. Tamatumalu peqatigisaanik suliap taama annertussusillip tuaviortumik sularineqarnissaata qinnutigineqarnera ataatsimiititaliamit paasiuminaatsinneqarpoq. Ataatsimiititaliamillu soorunami naatsorsuutigineqarpoq suliap ataatsimiititaliamut nassiunneqannginnermini sukumiisumik isumaliutigineqarsimasoq. Tamatumunnga Naalakkersuisut oqaaseqaateqarnissaat ataatsimiititaliamit qinnutigineqarpoq.

Apeqqutit matuma kingulianiittut allakkatigut akineqarnissaat ataatsimiititaliamit kissaatigineqarpoq:

1. Illuut A/S massakkorpiaq aningaasanik atorneqarsinnaasunik amerlasuunik peqartoq Naalakkersuisut paasissutissiissutigaat. Tamatuma itisilerneqarnissaa ataatsimiititaliamit kissaatigineqarpoq.
2. Illut A/S Namminersorlutik Oqartussanut aningaasaliisarnermi teknikkkut sakkutut atorneqartoq aammalu niuernerme atugassarititaasut ilaannakortumik atorlugit ingerlanneqartoq Naalakkersuisut paasissutissiissutigaat. Tamatuma erseqqinnerusumik itisilerneqarnissaa ataatsimiititaliamit kissaatigineqarpoq.
3. Ineqarnermut akiliutinik ersarissunik aalajangiisarnerup attanneqarnera ilutigalugu inissianik pisinermi akiusoq niuerfinni akit ineriartornerannut takussutissaatillugu aningaasaliinernut tunngatillugu Illuut A/S qanoq pissuseqartarpa?
4. Illut A/S-ip aningaasaqarnera qanittoq ungasissorlu isigalugu qanoq isikkoqarpa?

Aningaasaqarnermut Ataatsimiititaliap aalajangenera

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Ataatsimiititaliaq sinnerlugu



Hans Peter Poulsen

Ataatsimiititaliap siulittaasua